

**Suliffeqarfinnut ukiumoortumik naatsorsuutit pillugit inatsimmut ilaasunut nunani  
tamalaani naatsorsuuserinermi pitsaassusiliussanik IFRS-imik atuinissaat pillugu  
Kalaallit Nunaannut nalunaarut**

Ukiumoortumik naatsorsuutit pillugit inatsimmi, kunngip peqqussutaa nr. 806, 19. juni 2018-meersukkut Kalaallit Nunaannut atuutsinneqalersumi, § 137, imm. 4 aamma § 164, imm. 4 naapertorlugit.

*Atorneqarfia il.il.*

**§ 1.** Nalunaarut suliffeqarfinnut, ukiumoortumik naatsorsuutit pillugit inatsimmut, kunngip peqqussutaatigut Kalaallit Nunaannut atuutsinneqalersumut ilaasunut atorneqassaaq, tak. inatsimmi tassani § 1, taakku nunani tamalaani naatsorsuuserinermut pitsaassusiliussat atorneqarnissaat pillugu Rådip peqqussutaa malillugu nunani tamalaani naatsorsuuserinermut pitsaassusiliussat EUKommissionip akuersissutigisai aamma ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 137 malillugit ukiumoortumik imaluunniit piginneqatigiiffissuarmut naatsorsuusiortarpata.

**§ 2.** Ukiumoortumik naatsorsuutit pillugit inatsimmi aalajangersakkani pissutsit nunani tamalaani naatsorsuuserinermut pitsaassusiliussani EU-kommissionimit akuersissutigineqartuni assigiissut maleruagassaqartitaappata, suliffeqarfiit § 1-imi taaneqartut inatsimmi aalajangersakkat pinnagit pitsaassusiliussat atussavaat. Tamatuma saniatigut ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi aalajangersakkat suliffeqarfinnut taakkununga atuutissapput pisariaqartitamik tulluarsarnertalerlugit, tak. inatsimmi § 137, imm. 3, nalunaarullu manna

**§ 3.** Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi aalajangersakkat suliffeqarfinnit atorneqassatillugit, suliffeqarfiup minnerpaamik naatsorsuuserinermi klassiliussaq, suliffeqarfiup inatsimmi § 7 malillugu ilaaffigisaminut aalajangersakkat malissavai.

*Imm. 2.* Ukiumoortumik nalunaarusiap imarisassat EU-Kommissionip nunani tamalaani naatsorsuuserinermut pitsaassusiliussani piumasaqaatigalugit akuersissutigisimasaasa saniatigut naatsorsuuserinermi klassiliussanut ataasiakkaanut tamanut imarisassaataasut minnerpaamik imarissavai, tak. ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 18, oqaaseqatigiit 1 aamma 2, § 22, imm. 1, oqaaseqatigiit 1 aamma 2, § 78, imm. 1 aamma 2, aamma § 102, imm. 1 aamma 2.

*Ilanngullugu naatsorsuineq, naliliineq kiisalu paasissutissiinissamut piumasaqaatit  
aalajangersimasut*

**§ 4.** Ilanngullugu naatsorsuuserinermi, naliliinermi kiisalu paasissutissiinissamut piumasaqaatini aalajangersimasuni ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 16, § 17, imm. 1, oqaaseqatigiit 2, § 19, imm. 2-4, § 20, imm. 1, § 21, imm. 1 aamma 2, § 22, imm. 3, §§ 23-52 a, § 53, imm.1, 1 aamma oqaaseqatigiit 3. aamma imm. 2, §§ 54-67 a, § 69, imm. 3, § 78, imm. 7, §§ 80-87, imm. 1, §§ 87 a-94, §§ 94 b-95 a, § 96, imm. 1, § 97, § 98 a, § 98 c, § 98 d, § 103, § 113, imm. 4, oqaaseqatigiit 1 aamma 3, §§ 114 aamma 115, § 116, imm. 2, §§ 117-125, § 126, imm. 4, 5

aamma 7, § 127, imm. 2, nr. 3, aalajangersakkat kiisalu inatsimmut ilanngussaq 2-mi inissitsiterinermut immersugassat atornagit, nunani tamalaani naatsorsuuserinermut pitsaassusiliussanut EU-Kommissionip akuersissutigisaani aalajangersakkat atorpeqassapput.

*Imm. 2.* Aalajangersakkat imm. 1-imi taaneqartut eqqaassanngikkaanni, ukiumoortumik naatsorsuutit pillugit inatsit, kunngip peqqussutaatigut Kalaallit Nunaannut atuutsinneqalersoq, pisariaqartitanik tulluarsarnertalerlugu atorpeqassaaq. Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi aalajangersagaq, suliffeqarfiup kingorna malittussaasaa aalajangersakkamut imm. 1-imi ilaasumut innersuutitaqarpat, aalajangersagaq tulluarsarnertalimmik atorpeqassaaq, taamaasilluni innersuussineq nunani tamalaani naatsorsuuserinermut pitsaassusiliussani aalajangersakkamik imaluunniit aalajangersakkanik EUKommissionimit akuersissutigineqartunit, pissutsinik pineqartunik malerua-gassaqartitsisunik taarserneqarluni, taamaattoq tak. § 5, imm. 1.

**§ 5.** § 4 apequtaatinnagu, suliffeqarfiit akunnattumik angissusillit, naatsorsuuterinermi klassi C-mut ilaasut kaaviiartitat ilanngaasariikkat ukiunut tallimanut takussutissiamut ilanngutinnagissinnaavaat, tak. ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 101, imm. 1, nr. 1, aamma imm. 2, oqaaseqatigiit 2, aamma inatsimmi § 32 naapertorlugu.

*Imm. 2.* Naatsorsuuserinermut pitsaassusiliussanik EU-Kommissionimit akuersissutigineqartunik atuinermi, ukiunut tallimanut takussutissiami kisitsisit pingaernerit aalajangiisullu tulluarsarneqarnissaat piunasaqaataanngilaq, tak. ukiumoortumik naatsorsuutit pillugit inatsimmi, kunngip peqqussutaatigut atuutsinneqalersumi § 101, imm. 1, pitsaassusiliussani taaneqartuni tamatumunnga piunasaqaatit ilanngullugit. Taamaappat kisitsisit assersuutaasut tulluarsarneqanngippata ukiunut tallimanut takussutissiamut atatillugu tamanna eqqaaneqassaaq, naatsorsuuseriaatsimik allanngiueq kisitsisinut assersuutaasunut tamanna qanoq sunniuteqarsimaneqartarluni.

#### *Eqqortumik takutitsinissamut il.il. tunngaviusumik piunasaqaatit kiisalu nassuiaatit*

**§ 6.** Eqqortumik takutitsinissamut il.il. tunngaviusumik §§ 11-13-imi piunasaqaatit, kiisalu ukiumoortumik naatsorsuutit pillugit inatsimmut, kunngip peqqussutaatigut Kalaallit Nunaannut atuutsinneqalersumut ilanngussaq 1-imi nassuiaatit, aalajangersakkanut suliffeqarfiit inatsit malillugu malittussaasaannut atorpeqassapput. Tunngaviusumik piunasaqaatit nassuiaatillu assigisaat nunani tamalaani naatsorsuuserinermut pitsaassusiliussani Kommissionip akuersissutigisimasaanniittut, aalajangersakkani suliffeqarfiit pitsaassusiliussani taaneqartuni malittussaasaanni atorpeqassapput.

#### *Pissamaatinik aalaakkaatitsineq*

**§ 7.** Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 41, imm. 3-mi, aamma § 43 a, imm. 5-imi pissamaatinik aalaakkaatitsineq pillugu aalajangersakkat qummut naleqqussaannut naleqarnerulersitsinernullu assigisaanik atorpeqassapput, taakku nunani tamalaani naatsorsuuserinermut pitsaassusiliussat, Kommissionip akuersissutigisimasaani aalajangersakkat malillugit suliarineqarsimappata.

*Imm. 2.* Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi §§ 35 a, 35 b kiisalu § 83, imm. 2-mi aalajangersakkat pissamaatinik aalaakkaatitineq pillugit assigisaanik atorpeqassapput.

*Imm. 3.* Naliliutinik qummut naleqqussaanernut naleqarnerulersitsinernullu allanut imaluunniit pisussaaffinnik ammut naleqqussaanernut aamma nalikilliliinernut allanut nunani tamalaani naatsorsuuserinermut pitsaassusiliussat EU-kommissionimit akuersissutigineqartut malillugit suliarineqartunut, ukiumoortumik naatsorsuutit pillugit inatsit, kunngip peqqussutaatigut Kalaallit Nunaannut atuutsinneqalersoq malillugu inerteqqutaasunut, inatsimmi § 41, imm. 3 assigisaanik atorneqassaaq.

*Imm. 4.* Piginneqatigiiffissuarmut naatsorsuutit suliarineqarneranni imm. 1-3 atorneqassanngilat.

#### *Piginneqatigiiffissuarmut naatsorsuutit saqqummiunnissaannut pisussaaffik*

**§ 8.** Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi aalajangersakkat nassuiaatillu, suliffeqarfiup piginneqatigiiffissuarmut naatsorsuutinik suliarinninnissamik pisussaaffeqarnerata aalajangernissaanut atorneqassapput.

*Imm. 2.* Nunani tamalaani naatsorsuuserinermut pitsaassusiliussat EU-Kommissionimit akuersissutigineqartut, suliffeqarfiit sorliit akiliisinnaassuseqalernissamut pisussaaffeqarnerisa aalajangernissaannut atorneqassapput.

#### *Kattunneq avissaarnerlu*

**§ 9.** Suliffeqarfiit kattunnerinut avissaarnerinulluunniit atatillugu naatsorsuusinermi uppernarsaatitut allakkianik suliarinninnermut atatillugu ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi §§ 129 aamma 130-mi aalajangersakkat atorneqassapput, inatsisit malillugit imaluunniit isumaqatigiissuteqar-nikkut kattunnermut avissaarnermullu atatillugu naatsorsuuserinermut uppernarsaatitut allakkiat suliarineqanngippata. Uppernarsaatitulli allakkiani taakkunanani naliliutit pisussaaffiillu ataasiakkaat ilanngullugit naatsorsornerini nalilersornerinilu nunani tamalaani naatsorsuuserinermut pitsaassusiliussat EU-Kommissionimit akuersissutigineqartut atorneqassapput. Aammattaaq ukiumoortumik nalunaarusiap suliarineqarnissaa siunertaralugu tiguserinermut oqi-maaqatigiissitsinerup suliarineqarnerani oqaaseqatigiit aappaanni pitsaassusiliussat taaneqartut assigisaanik atorneqassapput.

#### *Pineqaatissiinerit*

**§ 10.** §§ 2-9 nalunaarummik matuminnga unioqquitsinermi akiliisitsineq eqqartuussutigineqassaaq, Kalaallit Nunaanni pinerluttulerinermut inatsit malillugu allamik pineqaatissinneqarluni pisuutitaasimannngikkaanni.

*Imm. 2.* Aktianik piginneqatigiiffik, piginneqatigiiffik, andelselskabi assigisaaluunniit (inatsisigut pisinnaatitaasut pisussaataitaasullu) unioqquitsisuuppata, piginneqatigiiffik pineqartoq akiliisitaanermut taamatut ittumut akisussaataitaasinnaapput, Kalaallit Nunaannut pinerluttulerinermik inatsimmi kapitali 5-mi malittarisassat malillugit.

#### *Atuutilerfia*

**§ 11.** Nalunaarut ulloq 15. april 2024

*Imm. 2.* Nalunaarut ukiumut naatsorsuiffiusumut 15. april 2024-imi kingusinnerusukulluunniit aallartittumut atuutilissaaq.

*Imm. 3.* Suliffeqarfiit ukiumoortumik naatsorsuutit pillugit inatsimmut ilaasut nunani tamalaani naatsorsuuserinermut pitsaassusiliussanik atuinissaat pillugu Kalallit Nunaannut nalunaarut IFRS-imik nalunaarut nr. 632 29. maj 2018-meersoq atorunnaarsinneqarpoq.

*Erhvervsstyrelsen, ulloq 10. april 2024*

Jørgen Wissing Jensen

/Philip Frey